

輿地志十六

湖北通志卷十六

古蹟二 陵墓寺觀附

黃岡縣

邾縣故城卽今黃岡縣治清一統志漢縣詳沿革楚宣王滅邾徙居於此故

曰邾也水經注晉咸康四年毛寶爲南豫州刺史治邾城宋書州郡志案當

時以西陽城臨江與武昌相對通典唐中和五年移黃岡於舊邾城

卽此寰宇記今城明初因舊址南去故城二里許方輿紀要案寰

岡縣西北一百一十七里州邾音近紀勝引齊安志遂謂一日古邾城

邾城在縣西北一百二十里今稱新洲縣志項羽立吳芮爲衡山王

都邾漢書吳芮傳甘寧爲邾長三國志注赤烏四年陸遜城邾三國志今蘄舒

黃三州之北有大山縣互八百里俗呼爲西山邾城在山之南地理

通釋清陳大章詩新洲曾是古邾城遺事空傳故址平莫道長沙封最小儘將功業讓韓彭齊安名郡自蕭齊廢苑人耕鳥亂啼

志十六

輿地十六 古蹟

一綫長江天設險至今貽笑庾征西

西陽故城在縣東漢置縣晉置郡隋廢清一統志詳沿革江水又東逕西

陽郡南郡治卽西陽縣也水經注元和志西陽故城在黃岡縣東南一百三十里此就黃岡舊治言

西陵故城在縣西北漢置縣屬江夏郡晉屬弋陽宋屬西陽梁廢

清一統志詳沿革案史記正義引括地志西陵故城在黃州黃岡西二里此亦據黃岡舊治言

黃岡故城在縣西北一百二十里南齊置南安縣隋改爲黃岡唐

移治於故邾城而此城廢今爲舊城市清一統志詳沿革因縣東黃岡爲

名元和志今新洲案唐中和五年移就大江邊寰宇記

齊安故城在縣西北南齊置郡縣隋廢郡省縣入黃岡清一統志詳沿革

北齊於舊城西南築小城置衡州領齊安郡舊唐書地理志陳太建五年

九月齊安降陳書宣帝紀黃岡有齊安鎮故郡治九域志

齊興故城在縣北南齊置郡後屬魏北周廢清一統志南齊書州郡志郢州齊興郡



江煙牀頭復有三升
蜜貧困相資恐是天

月波樓在縣治西

清一統志

王禹偁建今改為漢川門

明統志 禹偁詠懷詩

序月波之名不知得於誰氏圖經故老皆無聞焉因作詩一章凡
六百八十字陷於樓壁庶使茲樓之名與詩不泯也郡城無大小
雉堞皆有樓其間著名者不過十數州吹蕭事遼夏仙迹難尋求
庾公在九江締構何風流謝守鎮宣城黃鶴倚鄂渚仙去事悠悠
吾聞沈隱侯白雪架邱中調高誰和酬黃鶴倚鄂渚仙去事悠悠
贊皇謫滌上作賦懷嵩邱樓居出俗態澤國多勝遊好景不遇人
安得名存留齊安古郡廢移此清江頭築城隨山勢屈曲復環周
茲樓最軒豁曠望西北陬武昌地如掌天末入雙眸平遠無林木
一望同離婁山形如八字會合勢相向三國事既遠六朝名亦休
近從唐宋來爭奪互仇讐斯樓備矢石此地控咽喉終朝望烽燧
連歲事戈矛可憐好詩景牢落無人收皇家統萬國遠邇盡懷柔
三聖四十年蕩蕩文德修淮甸為內地黃岡壓上游儒冠假郡印
踐更若公郵況多辦職吏誰肯恣吟謳伊余何為者竊慕騷人傳
兩朝掌文翰十年侍冕旒去歲出西掖謫居抱窮愁日日江樓上
風物得冥搜何人名月波此義頗為優西南新桂魄初上懸玉鉤
晚灑清且淺漂蕩影沈浮三五金波滿夜光如暗投驪龍弄領珠
晃朗照汀洲澹臺披寶劍碎璧斬長虬冰輪曉入地推下赤金毬
漫使聲吻嘶千里畫圖闊四時詩興幽野花媚宮纈芳草鋪碧綉
火雲照沙浦暴雨傾瓦溝白亂蘆花散紅殷藜穗稠簷冰垂若練

志十六

輿地十六 古蹟

三

雪片大如鷗江蘿煙漠漠官柳雨颺颺舟子斜盪漿牧童倒騎牛
水瀨有時戲江豚頗能洄山鳥奏琴籟落霞展衾裯魚網雪離離
酒旗風颺颺旅懷雖自適詩物奈相尤右顧徐邈洞精靈知在否
左瞰伍員廟荒隙令人羞樓中何所有官醞湛蚩蜺獨寂莫誰酬
調琴待僧抽橘苞鄰藥鼎墨筆閒茶甌生平性幽獨寂寞誰與酬
官常已三黜懷抱罹百憂凭欄憶王粲望闕同子牟自甘成潦倒
無事復聲猷身世喻泡幻衣冠如贅瘤放意無何鄉誰分親與仇
寓形朝籍中毀譽任啾啾君恩無路報民瘼無術瘳惟慙戀俸祿
未去耕田疇題詩郡樓上含毫思
夷猶功名非范蠡何必泛扁舟

竹樓在縣治西北

清一統志

循小徑繚州宅之後至竹樓規模甚陋樓

下稍東即赤壁磯

入蜀記

元至順閒脫穎不花修明洪武時知府葉

宗修嘉靖閒知府郭鳳儀移建今縣治下清康熙閒通判宋學又

移建於洗墨池

縣志

宋高翥竹樓詩老竹平分當建瓴小樓從

記自能追正始三閒誰與續咸平濤音日日煙中落依約焚香讀
易聲 宋戴復古詩每日黃堂事了時一心惟恐上樓遲發揮天
地讀周易管領江山歌杜詩切戒吏來呈簿曆常邀
客至共琴棋風流太守誰其似半似微之半牧之

樓霞樓在縣西南

清一統志

太守閻邱公作樓頗華潔先是郡有瑞慶

堂後毀之以新此樓入蜀樓在郡儀門外西南軒豁爽塏坐挹江

山之勝為一郡奇絕東坡次韻王鞏詩賓州在何處為子上樓霞

蓋謂此也輿地紀勝宋蘇軾水龍吟詞並序間邱大夫孝忠公

黃正月十七日夢扁舟渡江中流回望樓中歌樂雜作舟中人言

公顯方會客也覺而異之乃作此詞公顯時已致仕在蘇州小舟

橫截春江臥看翠壁紅霞起雲間笑語使君高會佳人半醉脰竹

哀絲豔歌餘響遠雲縈水念故人老大風流未減獨回首煙波裏

推枕惘然不見但空江月明千里五湖聞道扁舟歸去仍攜西子

雲夢南州武昌北岸昔遊應記料多情夢裏端來見我也參差是

衣蒼狗易改變淡妝濃抹難形容蘆洲渺渺去無極數點斷山橫

遠碧樊山諸峯立一壁非煙非霧籠秋色須臾黑雲如潑墨欲雨

不雨不可識須臾雲開見落日忽展一機雲錦出一態未了一態

生愈變愈奇人莫測使君把酒索我詩索詩不

得呼畫師要知作詩如作畫人力豈能窮造化

涵暉樓在黃州府治張孝祥取赤壁賦中語改曰無盡藏樓後又

有坐嘯堂及無倦味道二軒清一丁寶臣為之記輿地紀勝宋

臨江三四樓次第壓城首山光徧軒楹波影撼窗牖予兄天聖中

向攝齊安守兄才無不宜吏治就可偶公庭常寂然所樂在文酒

志十六

輿地十六 古蹟

四

蘇軾重九涵暉樓呈徐君猷南鄉子詞霜降水痕收淺碧鱗鱗露

遠洲酒力漸消風力軟颺颺破帽多情卻戀頭佳節若為酬但把

清尊斷送秋萬事到頭都是

夢休休明日黃花蝶也愁

鏡心樓在縣東北元建清一統志

睡足堂在府治清一王禹偁建取杜牧憶黃州詩平生睡足處雲

夢澤南州之義明一統志

讀書堂在縣城外安國寺左宋韓琦兄琚守黃時嘗讀書於此後

人立魏公祠有石刻董其昌書韓魏公書院五字縣志

相隱堂在府治側清一龐籍為郡司理及後入相邦人即其地建

堂因名名勝志

雪堂在縣治東蘇軾建清一堂以大雪中成因繪雪於四壁之間

蘇軾雪元豐七年蘇軾移汝州去黃之日以雪堂付潘大臨兄弟

居焉崇寧黨禁興堂遂毀其後邦人屬神霄宮道士李斯立重建

何斯舉作上梁文

興地紀勝

東坡地勢平曠東起一壟頗高有屋三間

日居士亭亭下面南一堂有蘇公像是為雪堂

入蜀記

堂在城東明

洪武戊申展築郡城舊址遂在城內今縣學其基也弘治中改建

於府治東隅與竹樓相對

府志

案曲洧紀聞直徽猷閣安詠字

兵馬都監毀信可令復興之有詩云萬古戰

爭餘赤壁一時形勢屬黃岡則宋時已毀矣

清一

何氏兄弟作寒碧堂以待東坡之

至東坡為畫竹石賦詩

興地紀勝

案何氏名

一枝堂在城內宋時建

府志

如畫亭在縣東

清一

宋王禹偁建

明一

覽春亭在府治

清一

韓魏公居黃嘗作覽春亭序

興地紀勝

春草亭在縣東南宋韓琦建

故基

興地紀勝

清一齊安志云東門外猶有春草亭

志十六

興地十六 古蹟

五

四望亭在縣治東後更名高寒樓

清一

正興雪堂相值覽觀江山

為一郡之最

入蜀記

府志云在今南城高阜

宋張激攝今日更

為樓取杜甫詩玉山高竝兩峯寒之句更名高寒樓

雍正通志案東坡

集有題濠州七絕其六為四望亭注云太和中刺史劉嗣之建李

紳過濠為作記是嗣之所建在濠不在黃也然坡公亦有步至四

望亭魚池上詩題云自乾明寺前東岡歸攷乾明寺在黃岡城東

定惠院內坡公此詩即指黃岡之四望亭而興地紀勝云亭在雪

堂南唐太和刺史劉嗣之建李紳作記而

黃岡縣志蓋因亭與濠州之亭同名而誤

任公亭在縣東南亭西有師中菴

清一

宋蘇轍有記

欒城集

快哉亭在縣南

清一

和魏衍同登快哉亭詩經時不出此同臨小徑新

催草舊侵欲傍江山看日落不堪花鳥已春深來牛去馬中眼

朗月清風萬里心故著連峯當極目回看幽徑遶雙林賀鑄上

已後一日登快哉亭詩上已信嘉辰流觴傳舊俗良游悵不遂吏

局方有屬東風吹小兩萬竅嗥林麓疑有泊舟人狂歌河汝曲逾

期始澄霽物色如新沐城角趨危亭登臨慰幽獨紛華掃不見胡

蝶飛平綠倚窮夕曛悠哉此心目又病後登快哉亭作經雨

清蟬得意鳴紅塵開處見歸程病來把酒不知厭夢後倚樓無限

情鴉帶殘陽投古刹草將野色入荒城故園又負黃花約但覺秋

風鬢
上生

遺愛亭在縣治南安國寺內白蓮池前縣志宋元豐中徐君猷為守

有善政既去蘇軾以此名亭明一統志宋巢穀記何武所至無

君子循理而動理窮而止應物而作物去而復夫何赫赫名之有

哉東海徐君猷以朝散郎為黃州未嘗怒也而民不犯未嘗察也

而民不欺終日無事嘯咏而已每歲之春與眉陽子瞻遊於安國

寺飲酒於竹間亭擷亭下之茶烹而食之公既去郡寺僧繼連請

名子瞻名之曰遺愛時穀自蜀來客於子瞻因子瞻以見公公命

穀記之穀愚樸羈旅人也何足以知公采道路之言質之於子瞻

以爲之記

覽勝亭在北城上高阜明弘治間建萬曆初知府潘允哲易石刻

琴臺在城西北三江口宋昇明閒司空柳世隆於西陽城列巨艦

沂流而進降劉攘敗沈攸之嘗於此鼓琴明改建守備司行署今

廢府志

留仙閣在赤壁二賦堂東據英啟記增清英啟記云留仙閣在

延深倍有半光緒十年秋禹初陳廣文平山濮參軍星門楊茂才

招同人釀金錢鳩工飭材聖牆壁鬆桷楹雙扉正開疏牖洞達置

龕其中塑東坡先生像於左其右一像道裝手一物望若長笛蓋

洞簫也二童各侍側是年十二月十九日諸君子載酒攜客稱壽

於先生且以落成越翼日濮君來請余為之記余曰仙家之事余

所弗知然嘗聞道其事者曰飛昇曰尸解否則曰忽失所在曰不

知所終安在可留也又或謂仙非有求於人非其人仙弗與遇

故自來託名仙者往而不返大抵皆然豈求仙而遇仙且挾以俱

往耶東坡先生瞻識宏材懷忠抱懇豈復信神仙之事為誠有前

後二賦藉莊生妙旨寫三閭幽衷後之人遂以坡仙稱先生無異

辭今日者諸君子愛坡仙並愛坡仙之客客乎其仙矣乎以世所

傳從先生泛舟吹洞簫其人為楊世昌綿竹道士也夫既為道士

乃不於深山窮谷采藥鍊砂以希所謂乘雲馭氣驂駕鶴超然

出於塵世之外而顧下三峽乘江流不憚險遠數千里獨求所稱

坡仙者而樂從之游此豈無所得而然耶抑先生懼其往而不返

或類秦漢世求仙者之所為固有所招而致之耶然則諸君子因

屋作閣額以留仙供養有田灑掃有役自今以始豈惟是魚鮮酒

美百千萬年長為先生壽其亦猶是先生屬客之意也夫抑余又

聞之元豐五年先生生日置酒赤壁磯下有笛聲起江上古郭二

生謂非俗工有新意先生招之前則進士李委也因作一詩酬焉

夫俞琴鍾聽自古為難一笛一簫不遇先生八百年來孰復如聞

在廣文名寶樹江夏人參軍名文彬蕪湖人茂才名鴻鈞黃岡人
塑像者蘄水蘇成學字敬齋好學多藝能既老矣無所求於時人
咸謂其隱於云是閣也工總費金錢若干起訖某月日既
勒石茲不贅光緒十一年歲次乙酉仲春初吉瀋陽英啟撰

嘯軒在縣東南定惠院清一統志宋蘇軾詩啼鴉催天明喧喧
至潔長吟不改調食土蚓無腸亦自終夕叫鴛貪聲最鄙鵲喜意
可料皆緣不平鳴慟哭等嬉笑阮生已疏狂孫子亦未妙道人開
此軒清坐默自照衝風振河海不能
號無竅累盡吾何言風來竹自嘯

鴻軒在府城內清一統志張耒謫監黃州酒稅繼為倅又為守凡三至

焉榜其居曰鴻軒方輿勝覽宋張耒記鴻軒者文潛讀書處也

高飛遠舉能使弋人無算者鴻也今子以鷺閣不見事幾得譴辱
於聖世蒙垢忍恥於泥塗苟升斗以自養而猶自比於鴻不亦媿
乎張子曰子之言是也然余居此已卯之秋其遷也庚辰之春與
夫嗷嗷陂澤獵食以活秋至而春去者得無類乎客曰然案輿
地紀勝云右史張文潛謫居景陵日所創鴻軒遺址在萊園湖東
東都事略又右史自復起倅黃州後又通判黃州今右史集
有鴻軒記又右史自復起倅黃州後又通判黃州今右史集
酌酒其下為詩以與之別云單車又向黃州去風月相望一嘆嗟
又將至官陂登土岡望復州詩云他人若問鴻軒人堂下薔薇應
解語觀此則鴻軒在景陵無疑今黃州亦有鴻軒意者右史所至

志十六

輿地十六 古蹟

皆有鴻軒如老杜之在夔三
易居而皆以高齋命名耳

璧陰齋在縣城內清一統志洪芻黃魯直之甥為黃之酒正名其齋為

璧陰方輿勝覽宋黃庭堅銘並序洪芻駒父仕為黃之酒正勤其

余內喜之曰在官而可以行私也惟學而已矣為之作銘惟道集
虛觀我鏡中年者典學考道則窮前聖語道朝聞夕死調高不知
千世一士觴豆舞歌不愛其光孰能劬書自憂面牆挾書呻吟白
駒過隙我以道會何直尺璧古者寸陰不易千乘之國得道之根
則有枝葉務華絕根安事奕奕渴日者掘苗
罪歲者不芸茅勿亟勿遲能時者謂之君子

黃泥坂在清淮門外二里許宋蘇軾與二容過從處明知府郭鳳

儀建一盼亭府志蘇軾黃泥坂辭出臨皋而東驚兮並蘇祠而

縑兮渺雲濤之舒卷草木層累而右附兮蔚柯邱之葱蒨余且往
而夕還兮步徙倚而盤桓雖信美不可居兮苟娛余於一盼余幼好
此奇服兮襲前人之說幻老更變而自嗤兮悟驚俗之來患釋寶
潞而被縉絮兮雜市人而不辨路悠悠其莫往來兮守一席而窮
年時游步而遠覽兮路窮盡而旋反朝嬉黃泥之白雲兮暮宿雪堂
之青煙喜息鳥之莫予驚兮幸樵蘇之我媿初被酒以行歌兮忽
放杖而醉偃草為茵而塊為枕兮穆草堂之清讌紛墜露之溼衣
兮升素月之團團感父老之呼覺兮恐牛羊之予踐於是蹶然而

起起而歌日月明兮星稀迎余往兮饑余歸歲
既晏兮草木腓歸來歸來兮黃泥不可久嬉

赤壁本名赤鼻山在縣城西北江濱屹立如壁其色赤宋蘇軾遊

此作賦山上樓閣頗多明末悉燬清康熙閒知府于成龍建二賦

堂同治七年重修府志縣志石級繞山麓右旋上有門榜曰東

忠公祠右為二賦堂由堂後石級左旋上為酌江亭有平臺曰玩

月臺再上為于清端公祠由二賦堂右轉為坡仙亭御書亭碑亭

緣石級下為睡仙亭再下臨白龜渚曰放龜亭

東坡在縣治東清一統志宋元豐三年蘇軾謫黃故人馬正卿為守以

故營地數十畝與之是為東坡名勝志自號東坡居士朱或可談

八首并序予至黃二年日以困賈故人馬正卿哀予乏食為於郡

中請故營地數十畝使得躬耕其中地久荒為茨棘瓦礫之場而

歲又大旱墾闢之勞筋力殆盡釋耒而歎乃作是詩以愍其勤庶

幾來歲之入以忘其勞馬廢壘無人顧頽然滿蓬蒿誰能損筋力

歲晚不償勞獨有孤旅人天窮無所逃端來拾瓦礫歲旱土不膏

崎嶇草棘中欲刮一寸毛喟然釋耒歎我廩何時高荒田雖浪莽

高庫各有適下隰種稊稌東原時棗栗江南有蜀士柔果已許乞

好竹不難栽但恐鞭橫逸仍須卜佳處規以安我室家童燒枯草

志十六

輿地十六 古蹟

八

走報晴井出一飽未敢期瓢飲已可必自昔有微泉來從遠嶺背

穿城過聚落流惡壯蓬艾去為柯氏陂十畝魚鰕會歲旱泉亦竭

枯萍黏破塊昨夜南山雲雨到一犁外泫然尋故瀆知我理荒蒼

泥芹有宿根一寸嗟獨在雪芽何時動春鳩行可贈種稻清明前

樂事我能數毛空暗春澤鍼水聞好語分秧及初夏漸喜風葉舉

月明看露上一珠垂縷秋來霜穗重顛倒相撐拄但聞畦隴間

蚌蟻如風雨新春便入甌玉粒照筐筥我久食官倉紅腐等泥土

行當知此味口腹吾已許良農惜地力幸此十年荒桑柘未及成

一麥庶可望投種未逾月覆塊已蒼蒼農夫告我言勿使苗葉昌

君欲富餅餌要須縱牛羊再拜謝苦言得飽不敢忘種棗期可剝

舊聞李衡奴此策宜可學我有同舍郎官居在灣岳遺我三寸柑

照座光卓犖百栽儻可致當及春冰渥想見竹籬閒青黃垂屋角

潘子久不調沽酒江南村郭生本將種賣藥市西垣古生亦好事

恐是押牙孫家有十畝竹無時客叩門我窮舊交絕三子獨見存

從我於東坡勞餉同一飧可憐杜拾遺事與朱阮論吾師卜子夏

四海皆弟昆馬生本窮士從我二十年日夜望我貴求分買山錢

我今反累生借耕輟茲田刮毛龜背上何時得成甌可憐馬生癡

至今誇我賢眾笑終不悔施一當獲千

南坡在縣東南清一統志古氏南坡修竹數千竿盛夏不見日蟬鳴鳥

呼有山谷氣象竹林之西有隙地數畝種桃李雜花東坡集

龍邱在縣北一百二十里宋陳慥居此以地為號清一統志

飛來石在縣版塔寺太平興國中因雷雨有石墜於寺西號飛來

石輿地紀勝

子路問津處在縣北九十里舊有孔夫子廟後人掘地得石碣有

子路問津處五字遂建問津書院宋龍仁夫明耿定向王陞蕭繼

忠俱於此講學府志案水經濰水注引聖賢冢墓記南陽葉邑

水則子路問津處是問津處在今河南境

白龜渚在縣赤壁磯下晉毛寶軍人有買一白龜養之漸大放於

江後寶守邾石虎來寇城陷寶及軍士赴江死者甚眾養龜人墮

水覺有物負之登東岸乃所放龜也明知府郭鳳儀刻石曰白龜

渚作龜形於下府志案輿地紀勝但云白龜渚在黃岡大江之

夏隩在縣西南二里府志夏英公守黃州鑿水入陂以藏舟因名輿地

志十六

輿地十六 古蹟

九

紀勝一作西隩洗馬池其故陂也縣志

雙流夾在縣西九十里雙流鋪宋歐陽修貶彝陵時舟次其處見

于役志陸游記作雙柳夾所謂回望江上遠山重複深秀者即此

府志

君子泉在府治北清一統志宋通判孟震有賢德時稱孟君子庭中有

泉蘇軾因以名之明一統志案輿地紀勝震東平人嘗為黃州

相對說黃州蓋指震而言也

洗墨池在縣治南宋蘇軾洗墨處清康熙閒通判宋犖浚池置亭

移建雪堂於池東竹樓於池西為祠祀宋王禹偁蘇軾張耒秦觀

日四賢祠嵌元趙孟頫書洗墨池三字石刻於壁久廢嘉慶八年

通判胡楷復浚池刻石有記府志

白蓮池一在城南安國寺外即東坡放生池一在赤壁磯下府志

東坡暗井在今縣學東坡詩云走報暗井出相傳即此有東坡暗井四字石刻府志

明郭善甫故里在縣庶安鄉郭家新砦南王陽明過訪留三日題聯於堂曰泉石不知尊爵貴乾坤何礙野人居萬曆中知府瞿汝

稷書王文成高弟清平令郭公善甫之里刻石府志明耿定向

表郭公名慶字善甫中正德丁卯鄉魁仕為山東清平令蓋敦恂篤行人也為舉人時從文成王先生游最久文成念其篤實常延為館師其所提訓者甚悉比歸則以其間諸文成者接引里中後生因而興起者甚夥里有郡庠彥吳君名良吉字仲修者故篤孝人也性資禮善甫尤英敏師事善甫因鬻產為資附善甫舟中往越謁文成行將抵越善甫一夕大憤忤中夜呼仲修曰夜來自省胞中倘有俗念如許如此夾雜心安能領受先生教耶拊心痛自刻責不已徐質仲修曰子時自省如何吳仲修對曰此來一志惟求王先生教更何俗念善甫訶曰汝胞中猶蝨賊窩巢多少藏匿在末細自省察便謾謂無仲修曰但此志一真便雜念自消何須防檢至此善甫曰不然必搜滌諸雜念盡淨廓清後此乃有樹也舟中斯夕爭論未決既至越謁文成已各就館文成時深居簡出出應四方來學者就質而有常期一日值文成出應來學期善甫趨吳以前論辨語往質正文成時燕居樓上餽饘聆仲修語已不

志十六

輿地十六 古蹟

十

答第目攝而指示之曰子視此孟中便能載此體此案下便能載此孟此樓下便能載此案地又下便能載此樓人貴能下下乃大語已目攝仲修者再竟不理前問語仲修退就舍善甫問先生時何語仲修咽哽不能應第潸然涕數行下也善甫後以循廉著其孫名知易中萬曆己卯鄉試仕為四川中江令有治聲膺召補工部主屯田事蓋世濟清白云仲修年八十力學不倦屢空終身晏如也有栗里柴桑之風皆無愧師門云天臺病叟日文成之鑪錘人也不在言論辨折即精神矍鑠其陶鑄多矣雖然即郭吳之舟中省憤若此彼志學初已自得師矣豈漫然繫籍者倫哉前輩之發志為學者大都若此吾儕志學者視之可省矣

茶村在縣城內鳳凰墩側明杜濬故里府志

宋蘇軾乳母任氏墓在城南長塘街清乾隆十年邑人曹紹烈培

修府志墓誌見金石 蘇軾撰

元龍仁夫墓在縣陽邏華山有祠府志清陳大章詩一曲琵琶

馬鬣三秋雨樹暝烏啼萬壑風衰草不生亡國夢夕陽依舊大江東問津臺北黃華谷家祭誰知告乃翁

吳汝墓在縣慕義鄉吳貴山府志

明杜烈女墓在縣陽邏迴峯山女名小英辰州人明末虜於軍有

軍將欲娶之女給言願三月終母喪隨至漢口別置民房守之女徐言將除服乞筆墨爲文祭母於江乃自述其遭亂殉節之情裏文於肘投江死尸至陽邏里人葬之縣志

衛孝女墓在縣陽邏伏象山下女自言陝西人從父之官至是舟覆全家盡沒女沿岸呼號自投於江而死數日負父屍出里人江之齏葬之縣志

葛貞烈女墓在縣道觀河南女明季人字蘄水某宦子婿天女請奔喪父母阻之女竊騎潛逃至道觀河適流賊竄馬鞍山蘄水路絕女恐不得達遂自刃馬亦撞死縣志

清劉子壯墓在城北慕義鄉湯家墩縣志白虎寺在縣還和鄉白虎山梁時勅建本名興善寺明成化時僧懷遠建清康熙時易名百福寺道光七年重修縣志

志十六

輿地十六 古蹟

十一

萬壽寺在縣永寧鄉五雲山相傳梁僧寶誌入定之所塔碑猶存明成化時重建縣志

報恩天寧禪寺在縣青雲路巷唐貞觀五年乘禪師建明洪武八年僧繼法重建錫名報恩寺內有天啟五年所鑄銅佛及羅漢像崇禎時重修燬於兵清順治初募建咸豐二年兵燬縣志

能仁寺在縣大崎山距城一百一十里雍正志唐密雲僧修煉之所明成化七年重建清道光二十六年知縣俞昌烈禱雨有驗再加修葺縣志

安國寺在縣東南二里唐顯慶二年建宋蘇軾有記明洪武初及萬曆時再新之清順治乾隆間重建咸豐三年燬於兵光緒間募

建縣志案蘇軾記以爲南唐保大二年立見金石蘇軾安國寺浴詩老來百事懶身垢猶念浴衰髮不到耳尚煩月一沐山城足薪炭煙霧濛湯谷塵垢能幾何翛然脫羈梏披衣坐小閣散髮臨修竹心困萬緣空身安一牀足豈惟忘淨穢兼以謝榮辱默

歸無多談此理觀要熟 又安國寺尋春詩臥聞百舌呼春風起
尋花柳村村同城南古寺修竹合小房曲檻敲深紅看花嘆老憶
年少對酒思家愁老翁病眼不羞雲母亂鬢絲強理茶煙中遙知
二月王城外玉仙洪福花如海薄羅勻霧蓋新妝快馬爭風鳴雜
珮玉川先生真可憐一生耽酒終無錢
病過春風九十日獨抱添丁看花發

紫霞寺在縣道觀河北唐建府志

雨山寺在縣東弦鄉唐建府志

乾明寺在縣東南定惠院內清一統志宋蘇軾雨晴後步至四
望亭下魚池上遂自乾明寺前東岡

上歸二首雨過浮萍合龍聲滿四鄰海棠真一夢梅子欲嘗新挂
杖閒挑菜鞦韆不見人殷勤木芍藥獨自殿餘春高亭廢已久下
有種魚塘暮色千山入春風百草香市橋人
寂寂古寺竹蒼蒼鶴鶴來何處號鳴滿夕陽

永興寺在縣南江濱宋王禹偁有記清一統志
記見金石

承天寺在縣南宋蘇軾嘗夜遊此嘉慶志宋蘇軾記承天夜遊
元豐六年十月十二日夜解衣

欲睡月色入戶欣然起行念無與為樂者遂至承天寺尋張懷民
亦未寢相與步於中庭庭下如積水空明水中藻荇交橫蓋竹柏
影也何處無月何處無竹
相但少閒人如吾兩人耳

志十六

輿地十六 古蹟

三

定香寺在縣東絃鄉距縣三十里古刹僧性天重建門臨湖水內

有蓮池宋碑尙存佛像亦宋時塑圖書集成
引舊志

御風寺在縣永寧鄉元至順閒建徐壽輝嘗欲毀之感鳴鴉數萬

環翔而止府志

禪寂寺一名善濟寺在縣團風鎮明洪武九年建天順閒重修縣志

鐵爐寺在縣中和鄉畢家鋪東五里明初建邑人程汝遷常讀書

其中程號木庵有學行土人卽以其號名寺曰木庵縣志

上方廣寺在縣金鋪山北明初建寺踞大山山前有石如口俗呼

獅子口口內滴泉雖大旱不竭縣志

下方廣寺在縣金鋪山東明嘉靖二十九年建前後二塔又有呂

仙洞洞乃後人掘地得之不知始於何時縣志案圖書集成引
舊志云方廣寺在金鋪

山有上下二寺距縣北八十里金鼎山中前後二塔楚王孫募建
為都御史方任讀書處又有呂仙洞在飛鳳山山形宛如飛鳳武

溪諸峯環峙於中而大江襟帶其下亦登臨之勝地也

圓通寺一在縣團風鎮郭家灣古刹明洪武六年僧淨倉重建一

在縣陶山鋪南古刹元僧懋意重修縣志

雙林寺在縣中和鄉感化村古刹明正統元年重建縣志

寶蓋寺在縣樟松湖北岸大林山明正統十二年建嘉靖間重修

圖書集成引舊志

彌陀寺在縣陽邏鎮蓬萊山即蓬萊寺明景泰五年重修成化二

十二年增修大雄殿縣志

演教寺在縣柳子港明景泰間僧大林並徒文布結庵於此成化

七年建寺一名文布寺內有牡丹一本相傳為東坡手植圖書集成引舊

縣志

東山寺在縣大崎山南明成化七年僧修信重修縣志

志十六

輿地十六 古蹟

三

孟鉢寺在縣東絃鄉明萬曆時建旁有何白雲憇樹府志

化樂寺在縣北故城明同知袁福徵有記府志

無盡寺在縣大崎山南府志

大覺寺一名塞口廟在縣倉子埠街北清康熙間移建街南以塞

水口府志

定惠院在縣清淮門外宋蘇軾以元豐三年二月至黃州寓此院

東有海棠一株因作海棠詩後書開嘯二字勒石下有快哉亭前

有海棠軒後有洗墨池又有捫腹軒睡足堂今廢嘉慶志 宋蘇軾海棠詩並序

寓居定惠院之東雜花滿山有海棠一株土人不知貴也詩云江城地瘴蕃草木只有名花苦幽獨嫣然一笑竹籬間桃李漫山總麤俗也知造物有深意故遣佳人在空谷自然富貴出天姿不待金盤出華屋朱脣得酒暈生臉翠袖捲紗紅映肉林深霧暗曉光遲日暖風清春睡足雨中有淚亦悽愴月下無人更清淑先生食飽無一事散步逍遙自捫腹不問人家與僧舍拄杖敲門看修竹忽逢絕艷照衰朽歎息無言指病目陋那何處得此花無乃好事移西蜀寸根千里不易到銜子飛來定鴻鵠天涯流落俱可念為

飲一樽歌此曲明朝酒醒還獨來雪落紛紛那忍觸 又夜月偶
出詩幽人無事不出門偶逐東風轉良夜參差玉宇飛木末繚繞
香煙來月下江雲有態清自媚竹露無聲浩如瀉已驚弱柳萬絲
垂尚有殘梅一枝亞清詩獨吟還自和白酒已盡誰能借不辭青
春忽忽過但恐懼意年年謝自知醉耳愛松風會揀霜林結茅舍
浮浮大甌長次玉溜溜小槽如壓蔗飲中真味老更濃醉裏狂言
醒可怕但當謝客對妻子倒冠落珮從嘲罵 又次前韻詩去年
花落任徐州對月酣歌美清夜今年黃州見花發小院閉門風露
下萬事如花不可期餘生似酒那禁瀉憶昔還鄉滌巴峽落帆樊
口高桅亞長江滾滾空自流白髮紛紛寧少借竟無五畝繼沮溺
空有千篇凌鮑謝至今歸計負雲山未免孤衾眠客舍少年辛苦
真食蓼老境清閒如啖蔗饑寒未至且安居憂患已空猶夢怕穿
花踏月飲村酒免使醉歸官長罵

元妙觀在縣清源門外唐貞觀閒道士李雲外建宋為天慶觀即

東坡作易傳與論語說處內有葛洪煉丹井明邑人王同觀修葺

勅賜今名清順治時重修今廢縣志明王廷陳詩神君樓閣枕

青鳥使賓來頻舉白鷺羣當筵揮灑皆成雨煮鼎飛煙盡化雲雙鬢向衰渾欲盡洞天石髓若為分

清水觀即古東唐貞觀中建元末兵燬基存圖書集成

志十六

輿地十六 古蹟

古

鐵樹觀在縣新家冲明弘治閒重建縣志

觀音庵在縣團風鎮史壩明弘治時建圖書集成

蕪水縣

蕪水故城在今縣東三十里南北朝宋置縣唐廢清一統志

鞞縣故城在縣西縣志作四十里漢置縣南北朝宋改曰孝寧後

周廢清一統志鞞故弦子國漢書地理志城在山之陽南對五洲水經

郭默城在縣東清一統志陳太建五年郭默城降通鑑胡注晉氏不競

而南築城以自保故有其名

伍員井在縣西府志伍子胥適吳過此淬劍明一統志

葛洪精舍在縣南十里葛公山相傳葛洪隱處黃州府志

洗筆池在縣東二里清泉寺世傳王羲之洗筆於此今池畔小竹

猶漬墨痕府志清顧景星詩文竹留餘墨千秋照水涯如何右

軍意獨許此君知老筆孤鴻爪前賢一字師接離堪倒

著日日
醉山池

迴瀾亭在縣南清一統志蘭溪岸蘇軾遊此見水盤旋書二字於石壁

後人立亭明一統志名勝志泗淵龍潭
在城南蘇子瞻乘月泛舟處

疊嶂亭在縣城內宋蘇軾所名清一統志

太乙閣在縣西七十里巴河鎮明姚明恭建府志

閒雲樓在縣南龍潭岸側明太常官應震建府志

宋陶穀墓在縣西北金穀山清一統志

明何白雲墓在縣河廟鋪後山府志案何白
雲即補帽匠

王聰墓在縣西南司家畷清一統志

清泉寺在縣治東北二里唐貞元中建鑿井得泉清冽故名名勝志

有王逸少洗筆泉水極甘下臨蘭溪水西流東坡志林元至正間羅田

徐壽輝起兵據清泉毀其寺宇古井猶存明弘治十三年重建崇

志十六

輿地十六 古蹟

五

禎末兵寇蹂躪無不燬者而此寺獨存劉禹錫蘇軾魏了翁皆游

此所詠詩尚存清順治初匡山僧最弱講經於此圖書集成引舊志

朱期昌記邑東二里有清泉寺考故志唐貞元元年鑿池得井冽

而甘故以名寺或曰即唐紫玉大中禪師所駐錫故以紫玉起堂

及觀五臺陸公所輯明教嵩公鐔津外有清泉紫玉堂又考子瞻

家譜元豐五年壬戌先生以事至蘄徐得占見訪遊清泉作寒食

雨詩元正閒寇徐壽輝起羅田據蘄毀寺為平地遂使雨花禮

鷲蕩然一空至洪武初平定區宇諸所湮滅皆興即如禪林禿宇

均得並起亡壤而斬人猶識清泉故址圖復其壇宇說者謂盧公

興修此寺迄今久而摧折不墜如綫識者痛之邑侍御李公時成

夢佛與語囑以琳宮公默存之明日有僧淨法來募遽然夢中

事公乃延高僧如通為主若寺捐金為首大眾發心以襄隆舉於

是兩廡有齋月中有毘盧殿又逆而左有無量殿前有雄殿又前

有天王殿寶月重圓金篋再映豈非希川之鴻舉震旦之碩觀哉

嗟乎寺興貞元至元而滅至今茲而復興成敗興廢此必有故因
以為序唐劉禹錫清泉寺詩珠圍邀懼興未賒賡詩煮茗坐蓮
花上人我亦忘機者鼓枕相將到日斜宋蘇軾清泉寺下作流
溪紗詞山下蘭芽短浸溪松間沙路淨無泥瀟瀟暮雨子歸啼
誰道人生難再少君看流水尚能西休將白髮唱黃雞魏了翁
雨中尋清泉寺詩征帆百尺巖江皋小棹輕移野橋為愛清泉
禪境勝不知冒雨客途遙千尊石佛藏山霧一派珠流應海潮坐
對高僧清話處胸中塵想覺全消明龔鼎孳詩蕭然人吏散僚佐

其風流泉石鑄茶史江山聽酒等霜酣千橘
醉鐘澁一林秋妙想生歌拍高人只靜遊

昭化寺在縣東唐咸通間五祖宏忍禪師建清順治中復葺清一統志

斗方寺在縣東五十里後唐同光元年建佛印了元禪師曾住此

寺後有四斗亭縣志

三角寺在縣東三角山唐建宋賜額龍洞寺寺有宋人趙不迹書

觀頤視履四大字唐伏虎禪師居此名勝志

永樂寺在縣西北七十里五代晉時建寺有古塔塔傍有碑云天

福三年造嘉慶志案圖書集成引舊志云寺有古塔元兵不能

河時毀之隨有僧圓珊修寺得不廢崇禎丁丑流寇張獻忠等據

其下疑有寶氣通數千人掘之下有鐵柱為幹復越境求煤架爐

鼓鑄以斷詐稱得寶劍神書而去土人避賊塔內者盡死今惟存浮屠之址

馬祈寺在縣西北巴河口寺前有吳大帝刑馬壇傳云吳攻壽春

刑白馬祭江神於此蘇黃門謫高安東坡送至巴河即此地也蜀人

志十六

輿地十六 古蹟

夫

記 宋張耒詩扁舟下樊漢江南正清瀉曉登巴河岸極目望春
野步尋修竹寺古木正偃亞云昔孫正謀刑牲致師禡雄圖邈已
矣英槩足悲咤石梯造雲霧丹白開廣廈山僧安寂寞畏冷不出
舍勞生渴閒境頓使我心寫晚江平若席風勢欲相藉陸游詩
南望武昌山北望齊安城楚江萬頃綠著我畫船橫雲帆不須挂
鼉鼓不須鳴澹然隱曲几山水相送迎疏雨漏薄日非陰亦非晴
晚泊巴河市小陌聞履聲紫髯刑馬地一怒江漢清中原今何如感我白髮生

鳳城寺在縣治西四十里唐開元七年馬祖師建元末兵廢明洪

武間建清咸豐五年賊燬同治七年募建縣志

松山寺在縣西北五十里為故主簿宅有古樟大數圍婆娑蒼翠

縣志

華桂寺在縣治北九十里華桂山之巔舊為賓陽寺南唐時賜名

華桂元順帝時紅巾賊燬明洪武中里人李伯寬刑道鑑倡復之

正統間增建圖書集成

萬壽寺在縣巴河鎮縣志明王一翥詩雜樹南風想鐵衣鄉關

失路故情徵空門默契名難託戰壘荒傳影

亦稀佛鉢對楹青簪雲山一片冷苔
薇陰符付與園中叟巴水千年洗釣磯

資福寺在縣北八十里古銀杏三株寺內荷葉殿為元末徐壽

輝所焚惟巨礎數十列其處圖書集成
引舊志

天然寺在縣青獅山三祖璨得法後即駐錫於此越六世丹霞師

往來南嶽江右常託宿焉後丹霞至馬祖禪堂馬祖曰我子天然

丹霞下拜云謝師錫號遂至青獅開創禪林即以名寺圖書集成
引舊志

龍居寺在縣西南四十里有明萬曆間碑云為張道陵修煉處縣志

蓮臺寺在縣東十里府志

玉鏡寺在縣西府志

神光觀在縣東玉臺山漢張道陵自蜀青城來此煉丹神光燭天

故名嘉慶志
明王一翥詩誰謝羅山令疑
聞句漏砂斧痕奇匠石門外水空斜

仙靈觀在縣蘭谿鎮大江濟世傳張道陵煉丹玉臺已成者三雞

志十六

輿地十六 古蹟

十七

食其一化為鳳去遂名曰鳳棲山已而揭其二丹徙居蘭谿一日

市人見一道士與陵密語遂升化因名焉圖書集成
引舊志

玉泉觀在縣東唐時建府志

麻城縣

麻城故城在今縣東晉築城梁置信安縣隋改曰麻城元末移於

今治而此城廢清一統志
詳沿革故城石勒使其將麻秋所築名勝志在今

縣東十五里今城元末邑人姜銘等創縣志案宋末麻城兵亂

見元史地志山在
今縣東八十里

建寧故城在縣西南南北朝宋置郡尋改為縣齊復為郡隋廢清一統志

統志
詳沿革

赤亭故城在縣西方輿紀要云東南
十里有赤亭河南北朝宋置縣尋省清一統志
詳沿革

沿革梁建寧太守黃天賜築城赤亭魏書田益宗傳
案清一統志
北周及唐於麻城置亭州當以

此得名

岐亭城在縣西七十里齊梁時置岐亭縣

方輿紀要

長風故城在縣西北南北朝宋置縣後省

清一統志詳沿革

梁遣軍主吳

子陽寇三關田益宗遣光城太守梅興之據長風城

魏書田益宗傳

北江州故城在縣西梁置後齊廢

清一統志

北江州蕭衍置魏因之治

鹿城關

魏書地形志因改湘州為北江州後齊之北江州非即梁之北江州

南定州故城在縣東北梁置隋廢

蒙龍城

魏書地形志

舉水西北流逕蒙龍戍南梁定州治

水經注案梁自名定州

閻公城

魏得之對中山之定州言故加南字清一統志未析

在縣東閻家河畔相傳是伯璵故里

清一統志

竹敦城在縣西北

清一統志

梁天監三年上遣馬仙琕築竹敦麻陽二

城於三關南

通鑑麻陽即今麻城縣

胡三省注

杏花村在縣西南岐亭鎮有杏林杏泉宋陳慥隱處

清一統志蘇子瞻

云予始謫黃州至岐亭北二十五里山上有白馬青蓋來迎者則

予故人陳慥季常也為留五日賦時一篇而去

名勝志

桃黃菴在岐亭宋蘇軾記有王翊者得雄黃於桃核內吞之甚甘

自是斷葷肉有菴名桃黃自號桃黃山人

黃州府志

鳳凰臺在縣東三十里孤峰獨秀河流襟帶昔有人於八月十五

夜經嶺側忽若有洞簫聲尋之不見還數步仍復好音迭送或曰

此鳳鳴也故名

府志

雁臺在縣東白泉山之南有石平坦如席相傳釋道一修真此山

羣雁感梵唄聲來集故名

府志

白雲臺在縣西北十五里麻姑洞前地形平坦如臺常有白雲籠

罩世傳麻姑遊觀之所

府志

志十六

輿地十六 古蹟

釣臺在縣東二十五里明周思久建寒碧樓於上釣石尙存府志

劉金吾濠在縣西二里許明錦衣衛劉守有別墅也有亭有洞有

沼中有一堂華亭董文敏題曰魚樂堂縣志

萬松亭在縣西七里岡清一統志縣令張毅夾道植松萬株立亭其中

號萬松亭輿地紀勝互詳山川宋蘇軾詩十年栽種百年規

天公不救斧斤厄野火那憐冰雪姿

爲問幾株能合抱殷勤記取角弓詩

三老堂一名耆英堂在縣治前街右明成化中知縣朱嵩構此堂

爲縣人致仕觀察使周鑑方伯李正芳僉憲董應軫建後燬縣令

文舜階繼修清康熙己酉屈振奇重修縣志明周思久記成化

方伯李公彥碩督學僉憲董公宗南束髮結好以風節相砥礪及

登仕版歷藩臬遂颺然冥舉先後請老於家投閒養望意在人外

澹如也維時蜀朱侯則川宰吾麻至則敦禮三公謀多就之以故

朱侯治行稱最焉御史大夫吳公行部至問侯所以治狀侯對曰

下走吏何能唯是二三大夫之訓吳公擊節歎曰有以也夫士拙

替而猶不忘世豈不賢乎哉顧三公春秋高令儻亦有懿侯舍蓋

志十六

輿地十六 古蹟

九

公之意乎侯敬諸爰卜邑迤西隙地一區築舍舍三三公顏之曰耆
英堂自是侯有大政則延三公登堂而問焉以爲常後三公云亡
堂就圯遺址鞠爲茂草迨今百餘年未有修復之者文侯舜階始
掃而新之易今名曰三老堂而因屬記於予予惟憲老乞言古之
道也乃晚近之爲吏者大都東檢柳礪廉隅句稽於簿領筦庫之
間不者或窺承當轄風旨爲名高朋求師質顧迂視之豈知親賢
則益好問則宏單智寡聞者道之所不載也今朱侯行古之道文
侯闢其風而悅之益求光昭前烈堂成出教令凡學士大夫以公
事至者皆得停車繫馬於此以時諮諏焉是侯蓋以三老望人人
矣則凡登是堂者苟虛矣即街談巷語亦有所裨治理者不然則
在人擇言在堂者苟虛矣即街談巷語亦有所裨治理者不然則
雖使端木說辭鄒軻持籌而辨之亦安所用哉昔子賤宰單父求
之列其學觀摩之深矣乃爲宰猶必求助於五人則學之交相資
也侯振纓稽古敦素秉貞其嚴不苛其寬不縱有和平之軌焉而
侯方駒然求之不以其自足是侯之志念深矣顧予迂冥無能繼祖
武追配前修奉侯學畫萬一乃吾黨學士大夫素所自期信者豈
在單父諸人後哉誠反而思之求所以助侯者何在則庶幾哉交
資之義乎而後無負於侯作新斯堂之意

立浪園在縣冲堰北松谷中明曹胤昌居此府志

唐閻伯璵墓在縣東閻家河清一統志

宋陳慥墓在縣岐亭杏花村

清一統志

芝佛寺在縣東北龍湖北岸建時掘地得三芝類佛像因名

清一統志

龍湖寺與芝佛寺隔河相望中有石臺即釣魚臺

縣志

興福寺在縣白杲鎮西唐貞觀間真濟禪師建

府志

柏水寺在縣東南唐高峯禪師建

府志

九龍寺在縣東北九龍山唐德宗四年虛應禪師建寺有柏子塔

塔九級覆以鐵鏤鏤側一柏蟠根而生每立秋日午塔無影

府志

棲真寺在縣東唐虛應禪師建

府志

明國寺在縣北祖公山南唐貞元時建虛應禪師題額明國寺三

字

縣志

能仁寺在縣東六十里相傳南唐太宗建

府志

鐘山寺在縣東五十里相傳元至元間掘地出一鐘因立寺後寺

志十六

輿地十六 古蹟

三

廢鐘由鳳陵達河入江遡流而上抵江夏鐵佛寺僧感夢迎得之

縣志

東禪寺在縣城東明正統間建

縣志

法眼寺在縣黃蘗山即黃蘗寺無念禪師道場

縣志

雞籠寺在縣東三十五里一名湛寂寺明萬曆時建

縣志

繡佛寺在縣北街明梅之煥女澹然捨宅建

府志

玄妙觀在縣北十五里明景泰間建

圖書集成引舊志

獅子庵在縣東二十五里鳳凰臺西明崇禎間建

縣志

羅田縣

羅田故城在今縣東隋置縣唐初省宋復置元移今治而此城廢

清一統志

詳沿革 舊治在今縣東六十里魁山之麓元大德八年縣尹周

廣移於官渡河即今治

縣志

鳳凰臺在縣西

清一統志 輿地紀勝 縣西三十里有鳳凰臺

翠屏樓在縣東關內明進士張明道讀書處

黃州府志

孝子里在縣西北元孝子吳大中所居

府志

東坡井在縣治西相傳蘇文忠訪燕國王公經此取井水飲之嘆

其清冽作浚井詩

縣志

清風潭在縣北以謝烈女投水死名

府志

塔山寺在縣東南五里一名玉屏山寺唐貞觀間建

清一統志

玉泉寺在縣西北二十里其泉光淨如玉故名寺後石高六尺許

鐫風月雙清四字旁鐫元窟山人四小字石有足跡

縣志 清沈廷楨玉泉寺

詩遠入招提境東風宿雨晴落紅幽徑滿新綠小池平 絕勝投名社何須向化城老僧延坐久忘卻世間情

十王寺在縣東北齊時二祖聚眾說法於此

圖書集成引舊志

集仙寺在縣東元建

府志

志十六

輿地十六 古蹟

三

萬壽寺在城內明建

府志

崇果院在縣東北五十里佛印禪師曾任持有詩題詠有無著法

燈二真身

輿地紀勝

玄妙觀在縣南宋李氏之鞦韆場也

圖書集成引舊志 清潘煥龍詩曲曲深深小洞天逍遙

散步算游仙道人住在雲迷處註到南華第幾篇

黃安縣

木蘭故城在縣南

清一統志

齊屬安蠻左郡

南齊書州郡志

梁曰梁安置梁安

郡後齊置湘州後改爲北江州隋開皇初廢州及郡十八年改縣

曰木蘭

隋書地理志

唐武德三年省縣入黃岡

唐書地理志

高士軒在縣南元末隱士吳榮一居此明太祖召之不出敕學士

陶安顏其廬曰高士軒今廢

縣志

石林樵洞在縣東南二十里明秦鳳儀等十七人從耿定向著書

講學處石壁鐫樵洞二大字焦竑書縣志

釣臺書院在縣南七里明耿仲臺講學處有石盤踞溪上仲臺慕

嚴子陵之為人因以名其齋縣志

天窩山房在縣南十五里五雲山麓明耿定力講書處縣志

明耿定向墓在縣北袁英河清一統志

桃花大寺在縣南三十里旁有洞為陳慥故居蘇軾訪之曾三至

其處即今桃花鎮縣志

鐵鑪寺在縣太仙鄉明行取御史秦鏗建清道光元年重新之舊

傳寺有鐵鑪為宋元故物縣志

天馬寺在縣西黃州府志

乳山寺在縣西北府志

雲峩寺在縣北五十里舊多竹圖書集成引舊志

志十六

輿地十四 古蹟

三

青蓮庵在縣城外俗呼金井寺明嘗採金於此後金無所得中止

井尙存縣志

大同庵在縣東府志

淨土庵在縣東北府志

蘄州

蘄春故城在州西北漢置縣晉改曰蘄陽隋仍曰蘄春宋移治而

故城廢清一統志詳沿革嘉熙元年治鴻宿州景定二年隨州元年蘄州移治龍磯

治泰和門外宋史地理志四遷麒麟山即今治也州志

潯水城在州東潯陽記謂之蘭池城古潯陽也晉建興初湘州賊

杜弢攻荊州刺史周顛于潯水城胡氏曰城在蘄春界方輿紀要案清一

統志尋陽在黃梅今從之

翻車城在州東南八十里黃州府志九江王黥布歸漢因築此城城近

翻車水因以為名元和志

江夏城在州境清一統志晉江夏王築寰宇記

呂王城在州東北五里州北十里有呂王山城以山名方輿紀要

鳳凰臺在州東北清一統志斬春縣北鳳凰山即羅真人致福州仙釋

門羅真人諱翼字昇直飛昇之所舊有臺百鳥無棲止其上者輿地紀勝

涵暉閣在州北舊城清一統志蘇子瞻在黃容有述其霽

容天在水春態柳藏橋之句先生以色字易態字蓋賦涵暉閣也

自是涵暉之名益著輿地紀勝

溪堂在州治南清一統志宋至和中吳瑛致仕時隱居處輿地紀勝

四見亭在州西北舊治內宋治平中范純仁知蘄州建清一統志亭在

州北塔後范忠宣公名之蓋倣文正公守鄱陽日於郡建四望亭

之遺意輿地紀勝元幹克莊詩前朝亭廢野蕪侵暇日躋攀試

麟山下路不知遊客幾登臨

環翠亭在州西北舊城宋建清一統志

江山一覽亭在州鳳皇山明江防道劉光文建府志

浮玉亭在州新生磯明萬曆時知州徐希明建吳國倫有詩府志

明荆王府在州城內有梳妝樓白雲深處亭硃砂井俱荆藩遺蹟

康茂才故宅在州青山上鄉府志

橫車橋在州西六十里宋嘉定時李誠之與金人鏖戰處府志

宋王玠墓在州青山鄉獅子地州志案玠長洲人為蘄黃鎮撫

明荆憲王墓荆靖王墓都昌惠靖王墓俱在州安平上鄉大泉山

府志

康茂才祖墓在州大同上鄉康家衝州志

志十六

輿地十六 古蹟



正覺寺在州南鳳凰山麓隋大業間建唐四祖道信卓錫於此後徙黃梅明初重建置僧會司清咸豐四年燬同治十三年重修州志

真慧寺在州東二十里碧雲峯下唐五祖宏忍禪師卓錫於此清

順治十五年重修清一統志顧景星有記府志

東山寺卽五祖寺在州南湖岸唐五祖宏忍卓錫於此州志

盤石寺在州東北府志唐貞觀開張令一禪師建後廢併四祖寺僧

智敞復建圖書集成

成真寺一名瞿金寺在州北百六十里唐貞觀開建後改爲存金

明洪武三十年重修圖書集成引舊志州志

寶林寺在州北百五十里唐貞觀時建明洪武二年僧無塵重建

州志

龍門資教寺在州三角山後梁僧慈應建宋仁宗賜額龍門高宗

志十六

輿地十六 古蹟

古蹟

加增資教元至正間比邱德明有碑記明洪武元年重修州志案輿地

紀勝龍門禪院在州北七十里三角山其山有二龍潭禱雨有應賜寺額三角山龍門禪院卽此寺

龍磯寺在州龍眼磯上原祀順濟龍王宋熙寧間詔封雍正志清咸

豐三年燬同治八年總兵曾紹霖捐建州志

石鼓寺在州西門外濱江羊子寮宋咸平舊志中建明天順間荆

藩重修天啟三年寺漸圯復修州志

龍窟寺在州永福上鄉高家冲宋徽宗宣和年間建圖書集成引舊志

高溪寺在州北高溪畝宋紹興間僧白崖建州志

宏慧寺卽清溪寺在州北大同巡檢司署側宋紹興間僧紹慶勸

建明初僧道真修弘治間奉勅改建州志

法勝寺在州北一里蓮花池西岸明洪武間建天順二年荆靖王

修賜額輿地洞臺

菩提寺在州東三十里菩提壩明正統六年僧智英重修白茅堂集

毛伯温詩三過野市兩停驂王事馳驅苦不堪石磴清風驅落葉竹林斜日映寒潭似曾識面鳩頻喚如有羞容花半含試問寺僧今幾許何人能唱望江南

鐵佛寺在州北門內佛像皆鐵明洪武元年建嘉靖十九年重修

松山寺在州東碧雲峯明永樂閒龍虎慈禪師卓錫於此圖書集成引舊

太平寺在州東北九十里靖明山舊名靖明寺明弘治閒重建白茅堂集

開通寺在州東北六十里高山鋪左紫玉山嘉慶志明楊晉悲

舍也距廣濟三十里崇禎丙子冬設險高山廣濟尉魏時光以鄉兵守之賊初不敢度相持旬日尉夜襲賊有功翌朝賊大至尉馬勒斷被執不屈死殺氣障天天不雨中原白晝驅豺虎無賴少年好英武擁尉登壇建旗鼓尉也膽氣本雄豪百金市馬如人高馬

志十六

輿地十六 古蹟

五

上結束青絲繚左右馳擊雙寶刀舉旗斬將不足數渺視秦寇同鴻毛軍中昨夜傳飛箭鐵騎西來亂如霞不問犄角有何營獨引鄉兵當一面健兒身手等閒強矢石未交先怯戰眾寡相持大不

明善寺在州北百三十五里明吳管財管珍建清初某僧改明善

禪林後仍改明善寺州志

靈虬寺在州北七十里明正統閒重修州志

廣教寺在州西六十里白雲山下清順治初天章禪師重建白茅堂集

二聖院在州東北九十里係金張二禪師道場輿地紀勝

元妙觀舊在州麒麟山麓宋祥符閒道士李可道建明洪武閒遷

建於東門外天順四年荆靖王修葺正德嘉靖閒復修州志

天長觀在州東北劉公河上晉永熙間王全真人勸建明洪武間歸併元妙觀正德間重建圖書集成引舊志府志

溪山觀在州北宋元豐間建明洪武元年重修圖書集成引舊志

天真觀在州北元至正三年建明洪武十二年重建圖書集成引舊志

綠蘿庵在州黃蔭山文殊庵在州獅子口俱清乾隆間重修府志

廣濟縣

永寧故城卽今縣治清一統志唐縣詳沿革

徐平章城在縣西清一統志元末縣人徐興舉賢良官平章築城縣西

督兵禦紅巾賊相戒勿犯新城後斬黃陷而縣獨全今故址猶存

縣志

魯肅府在縣鐵船山下入蜀記稱艣臍汎黃州府志

鮑照讀書臺在縣東北東衝山第一峰清金德嘉鮑桂星均有詩

志十六

輿地十六 古蹟

三

府志

春生堂在縣東宋建府志

環翠樓在縣治北玉枕山有綠幔臺探元洞俱在其下府志

四高樓在縣西門外卽文昌閣舊址明巡撫御史韓重建知縣劉

胤昌葺成之東曰禮濤西曰乘鄂南曰幕岫北曰襟江樓下爲梅

浦植梅千株隔浦構滄浪亭橋跨之又有五印心菴皆文人遊息

之所府志

清壑亭在縣車防衝明彭洪泰建洪泰諸生好客此其游燕處府志

杯渡亭在縣大藏寺明知縣劉胤昌建府志

文天禎故宅在縣五里橋宋文天祥兄天禎寶祐末領鄉薦教諭

廣濟入元不仕隱居於此府志

史孝子村在縣東南五里明孝子史玉明故居府志

藏書閣在縣龍坪明胡太僕士容建購書萬卷度閣上縣志

吳易菴講堂在縣泉湖明吳自守講學處府志

浴佛井在縣治右四祖大醫禪師父司馬氏為本縣令生四祖於

此取水澡浴一名清淨井府志

劉官磯在縣南積布山麓府志漢昭烈入吳嘗艤舟於此入蜀記

石牛在縣西二十里府志元姚楚山詩一卷怪石老山巔頭角

陽天終宵見月何曾喘盡日和煙自在

眠惱殺牧童鞭不起一聲長笛思悠然

宋余玠墓在縣東余公山清顧景星詩山塔千百樹素華飄回風

慷慨成英雄南宋稱大將西蜀多戰功左臂撫荆楚右顧定梁雍

遂能安半壁不致淪羌戎遙望紫金坪是公讀書處鬱鬱白雲閒

見公手植樹青松缺無聲黃鳥豈不鳴誰能伐片石為公墓門

明史玉明墓在縣東南十里均清一統志

寇學海墓在縣東五里畢四嶺萬曆中知縣劉允昌營葬題曰有

明詞人寇巨源墓府志明楊勳過寇山人墓詩少小未相識看

活秋分山色勻交遊詩意欲親一生惟用俠到老不辭貧月映溪流

遍海內登拜自何人

大藏寺在縣東二十餘里唐蔣祖師自暹羅來建此內有藏經清一統志

清乾隆五十七年僧豁堂重修縣志

幽居寺在縣南相傳四祖卓錫於此山夜聞龜聲掘地得雲板上

有靈龜山幽居五字寺因名今改曰瓔珠寺府志

南山寺在縣東南唐如清禪師建明洪武二十五年重修寺中尙

存唐時物萬曆五年知縣姚翼重修有記居業齋集

雙泉寺在縣南五十里唐貞觀間建圖書集成

龍山寺在縣馬口湖北漢祖擒黥布過此後建寺圖書集成

黃牙寺在縣東南太平山旁有煉丹邱晉遠公卓錫於此後入廬

山去時笑露黃牙因寺於此故名縣志案輿地紀勝黃牙院在

方記黃牙先生曾結廬于此據此則黃牙先生實有其人縣志殊謬但紀勝言在黃梅為別一寺耳

豹林寺在縣西南三十里縣志清郭存會詩舊額傳真異重來始細尋豹隱何年霧雞飛尙此林浪憑

遊客意誰識故人心桂樹蕭然茂徘徊試一吟

靜林寺在縣西北靜林山相傳建自唐時號九井禪林後易今名

北二里許有西來庵桑梓紀遺案輿地紀勝九井寺在黃梅縣西十六里開成中有宗義師鑿井九所陰竇相通汲一井而餘井演漾故名今

為靜林寺即此而言在黃梅為異

禪居寺在縣大東鄉府志

石門寺在縣四望山府志

朝斗壇在縣西七里金仙山昔有女子得道於此飛昇輿地紀勝

善潭觀在縣西觀山麓有善潭南北二泉縣志清舒芝生詩喬木千章綠琳宮三徑幽

蛟龍常隱窟鸞鳳每來遊數朶野花發一聲新雁秋泉分南北注碑任古今留烈焰燃藜火甘霜潤石樓捫蘿登翠巘倚杖想丹邱曠土饒清趣愁生坐自休

志十六

輿地十六 古蹟

三

黃梅縣

新蔡故城在縣西清一統志晉孝武因新蔡人於漢九江王黥布舊城

置南新蔡郡晉書地理志齊以後省清一統志案省九江故城在縣

西南七十里漢九江王黥布所築元和志

永興故城在縣西北齊置縣隋改名新蔡後改名黃梅元初移治

而此城廢清一統志因黃梅縣北黃梅山為名城晉驃騎將軍郭

默所築元和志宋嘉熙兵亂僑治中洲後復舊元史地理志舊城在縣

西白花坂元初移於今治縣志

尋陽故城在縣北清一統志舊縣在江北晉溫嶠移於江南通典

案清一統志尋陽分郡在晉永興初而溫嶠移治則在南渡後胡三省通鑑注以為永興時移治蓋誤

義豐廢縣在縣南清一統志唐武德四年析黃梅置義豐長吉塘陽新

蔡四縣八年省唐書地理志義豐舊治在縣西去大河鋪里許其城址

尙存長吉舊治在縣南二十里濯港之郭家背縣志

董公城在縣南濯港之南清一統志昔有董公於此築城避水與兵故名縣志

名縣志

藥師城在縣北二十里清一統志唐李靖領兵過此築縣志

百萬城在縣東北清一統志相傳唐曾元裕駐兵之所一名桐坡砦下有百萬坡亦元裕所鑿縣志

俊逸亭在縣西鮑照墓前後遷譙樓迎賓館側黃州府志

置馬亭在縣境清一統志劉勳士眾散處續漢書郡國志注

鴛鴦亭在縣城內清一統志世傳徐拭妻齊氏夫婦相和敬而齊事姑尤孝所居有塘畜兩鴛鴦齊每稱觴鴛鴦隨之姑死鴛鴦飛去齊思姑不已竟殞徐亦隨亡里人悼之以思姑名其巷并建亭名鴛鴦亭縣志

濯足亭在縣城北相傳羅真人濯足於此府志飛昇臺在縣北北邙山為羅真人飛昇處府志李玘讀書處在縣東山麻雀窪府志西園在縣南二十五里明瞿九思著書處府志臨江驛在縣南七十里縣志一名太子驛又名太子泐舊志稱梁武帝行兵駐此產昭明太子故名非也案梁書昭明太子以齊中興初生襄陽不得生此且宋書蒼梧王元徽初使王奐鎮夏口時桂陽王休範刺江州以舟過潯陽恐為所劫留自北岸太子泐竟去是宋時已有此泐驛因泐名不得傳會於梁也府志臨江驛詩馬上逢寒食愁中屬暮春可憐江浦望不見洛陽人北極懷明主南溟作逐臣故園腸斷處日日柳條新崔融臨江驛詩春分自淮北寒食渡江南忽見潯陽水疑是宋家潭明主闍難叫孤臣逐未堪遙思故園陌桃李正酣酣張籍宿臨江驛詩楚驛南渡口夜深來客稀月明見潮上江靜覺鷗飛旅宿今已遠此行殊未歸離家久無信又聽擣寒衣

志十六

輿地十六 古蹟

指石洞在縣東北二十五里相傳五祖入東山五顯神爭之飛石來擊五祖豎指卻之石墜地成洞府志

黃齡洞在縣西北三十五里晉宋益修仙處益一作翼益青州人為番

禹刺史棄官隱黃梅之黃齡洞有道術能役鬼神宋元嘉末縣尹

劉君彌詣洞祈雨益延入圍棋數日乃歸是後洞所榛莽人迹罕

到每於雲影中見有朱衣躍馬而行者夜半或聞打子聲洞外有

潭每歲旱禱輒應府志輿地紀勝云洞前有石繫馬柱山上有一石几一石硯及留題云

鳳凰池相傳羅真人丹成以一丸療龍疾一丸被鄰雞啄去化為

鳳飛鳴大市池中故名今淤府志

玉蟾池在縣治東北昔人鑿池得白石狀類玉蟾故名今淤府志

墜腰石在縣東禪寺六祖繫腰以舂米者石今猶存府志

史君石在縣史君源亦名靈書笈世傳嘗註史君黃庭經輿地紀勝案

志十六

輿地十六 古蹟

三

此條多誤字史君當作使君源當作原嘗註史君當作使君嘗註使君即宋翼也翼字儒上晉安帝時人嘗為番禹刺史見紀勝仙釋餘詳黃齡洞

宋鮑照墓在縣城外西池西岸清道光二十五年知縣俞昌烈重

修邑人喻權捐田五畝以作祭產縣志清喻元鴻詩為愛風騷

十卷參軍集不見當年絕命詞戎馬縱橫逢此日風流消歇儻如斯空傳舊宅依然在我更為公代別離

宋岳震岳霆墓在縣楊梅嶺縣志案志云岳武穆討李成駐兵

亦往黃梅因留第四子震家於此其弟霆

依焉

陳宗達墓在縣縉亭港清一統志

廣福寺在縣北魏大統中建府志

西永福寺在縣劉塘鎮為四祖始興之地明永樂時勅名瑜珈寺

東永福寺在縣東關外二里許朗公祖師自段密渡江建資佛寺

縣志

於楊家穴過感湖建慶源寺於東觀至石人脚建蓮花庵至馬鞍

山建黃荆庵最後建東永福寺旋寂於此塔在寺中縣志

老寺在縣紫雲山去縣四十里千歲寶掌和尚建當四五祖闡化

之際寶掌年最高故稱老寺縣志案府志引皇華紀聞黃梅山

日遠公曰菩提流支祖師曰四祖大醫師曰五祖大滿師圓證祖

師無迹祖師朗公禪師張金祖師靜鑑祖師清余學益暮投紫

雲山寺詩萬山幽險外千載老禪源月出諸天寂鐘鳴眾壑昏嶺

雲時入座野水自當門辨蓮花湧靈根似可捫吳鑠老祖寺

詩璨公啟司空滿祖居馮茂千歲寶掌禪紫雲天半覆時在魏晉

間陳闕古今宙飛錫駐雙峯矯首煙嵐秀誅茅住數年迄今緬層

構琳宇特地開洞口積雲皴鬱鬱松千尋古質逾蒼瘦石上蘚苔

文搜別雜篆籀此焉古佛場諸寺皆其後誰與拓平疇野色酣堪

漱溪汀汨汨鳴乳泉流細寶似茲極恢闊何意在巖岫

折罷池邊蘆旃檀消永晝天然噴雪巖山外飛晴溜

四祖寺在縣西北三十里雙峯山亦名正覺寺又名破額寺唐武

德開建為四祖道信禪師道場清一正覺院有四祖及栽松道者

二真身輿地紀勝唐包佶雙山過信公所居作遙禮前朝塔微

石松傳心不傳法誰可繼高蹤案府志引筠廊偶筆黃梅破額

山寺四祖大醫禪師道場也四祖生於隋大業間至明嘉靖中肉

身猶在一日楚王夢四祖造訪云我將去矣幸為留一像醒而鑄

銅像遺山中過浴佛井井水湧出蓋四祖初生時曾浴此井也像

至而身為火焚矣

五祖寺在縣東北馮茂山一名真慧寺唐咸亨中五祖宏忍禪師

建嘉慶元代重建虞集有記府志案府志引湖北通志馮茂山

山寺唐大中時建大明寺燬於火五祖真身如故乃移山隈建今

寺上有白蓮峰峰下有池生白蓮瓣可千數每瓣中有蓮房不結

實五祖手植也唐裴度真慧寺詩徧尋真蹟躡莓苔世事全拋

不忍回上界不知何處去西天移向此閒來巖前芍藥師親種嶺

上青松佛手栽更有一般人不見白蓮花向半天開張祐五祖

寺詩寒色蒼蒼老柏風石苔清滑露光融半夜四山鐘磬靜水精

宮殿月玲瓏

東禪寺在縣西南清一號蓮花寺乃五祖傳衣鉢於六祖處有六

祖簸糠池墜腰石及吳道子傳衣圖名勝志清王士禎詩誰識

聞水邊孤寺半煙篠郭外數峯空雪雲直是西來掃文字

翻合南北競紛紜明朝穩把江頭櫓水到潯陽九派分

高塔寺在縣城東南隅寺肇於唐燬於黃巢初名彌陀寺宋天禧間建殿亭舍宇及甍塏一座十二級高一百七十尺內坐鐵鑄四大部洲菩薩一尊乃名高塔寺明永樂五年僧永恭置佛堂廊房後燬清乾隆年間重建咸豐四年兵燬復建縣志

靈泉寺在縣東二十里卓壁山五祖初結庵處其山下古礫潘家河有泉水庵五祖曾卓錫於此其泉如沸祖喝之即止圖書集成引舊志

意生寺在縣西十五里相傳周氏孕五祖傭紡里中夕於社屋之下即所稱蔡家砦也母初意欲於此生子不果乃生於黃達埠後仍棲止社屋故後人爲之立意生寺圖書集成引舊志

古佛寺在縣西六十里五祖弟子掘地得銅佛鐵金剛因建寺故稱古佛寺圖書集成引舊志

寶相寺在縣鼓角山無跡祖師道場唐長慶元年建縣志宋兩火之

志十六

輿地十六 古蹟

三

構二小殿有清風亭有古樹一株僧於其下發圓池月射樹影倒池中儼如月窟故呼池爲明月池樹爲娑羅樹圖書集成引舊志元至正

中修揭傒斯有記府志見金石

靈峯寺在縣東北烏牙山有唐白居易所撰碑及宋張商英輪藏記名勝志一作在鼓角山圓證禪師道場見府志

柘林寺在縣黃連鎮遠公祖師建遠公初建寺於港北屬張家湖明永樂間勅賜護國寺遷港南名柘林寺縣志

菩提寺在縣唐福山董家城流支祖師建後有天峯和尚居此縣志接待寺去縣孔壠鎮十五里四祖所建以接棲雲侶者今廢去咫尺建有地藏庵圖書集成引舊志

高山寺在縣考田山一名高山普照寺靜鑒祖師肉身道場也師曾演法於石牌山道鏡庵縣志

白馬寺在縣考田山張金祖師道場縣志

峯頂寺在縣西南九十里蔡山嘉慶志唐張祜詩月明如水山頭寺仰面看天石上行夜半深廊

人語定一枝松動鶴來聲

網埠寺在縣南二十里濯港漁洋精華錄清王士禎詩網埠寺前風物幽漁人網罟集汀州阿誰識

取源頭水破額山前碧玉流

龍華寺在縣北一里舊傳大士嘗從講經於此法堂榜曰講經堂

輿地紀勝

蔡山寺在縣西南江畔古名江心亭康熙志唐李白夜宿江心亭詩危樓高百尺手可摘星辰

辰不敢高聲語恐驚天上人

龍潭寺在縣南九十里古鐘金見存上有赤烏二年鑄字輿地紀勝

眾造寺在縣東一里今五祖廨院寺有戴叔倫撰曹王臯出師記

輿地紀勝

志十六

輿地十六 古蹟

三

成相院在縣東三十里有餘大師及周梁二祖師真身輿地紀勝

石人院在縣東南五十里寺門西有峯宛若人形故名輿地紀勝

普惠院在縣西南六十里義臺山先是有二女子修道見洪簡禪師至舍之而去一女子飛昇一女子入仙洞輿地紀勝

泰源觀在縣城東晉武帝為羅真人建置道會於內清乾隆時重建今燬縣志

鳳桑觀輿地紀勝在縣北二里北邙山相傳羅真人修煉於此清志

統志

佛母周氏塔去東禪寺數武即五祖當日養母處母寂以此地葬之封骨有塔覆塔有殿圖書集成引舊志

輿地志十六